
“Soliqchi - ko‘makchi” tamoyili asosida amalga oshirilayotgan ishlar yuzasidan Rishton tuman davlat soliq inspeksiyasi boshlig‘i Raximov Dilshodjon Tohirjonovichning HISOBOTI

Tadbirkorlik sub‘ektlarining soliq yukini kamaytirish va biznes yuritishni soddalashtirish maqsadida Prezidentimizning 2022 yil 28 iyundagi PF-162-son farmoni bilan soliq ma‘muriyatchiligiga qator o‘zgartirishlar kiritildi.

Xususan, 2022 yil 1 iyuldan foydalanilmayotgan ko‘chmas mulk ob‘ektlariga ta‘sirchan soliq mexanizmini qo‘llash bekor qilindi. Shuningdek, QQS ma‘muriyatchiligi soddalashtirib, majburiy ravishda QQS to‘lovchisi sifatida e‘tirof etiladigan tadbirkorlik sub‘ektlariga QQS guvohnomasi soliq xavfi darajasiga aniqlik kiritilmasdan avtomatik ravishda berilish amaliyoti yo‘lga qo‘yilmoqda.

Bundan tashqari, yuqoridagi farmon bilan 2023 yil 1 martga qadar hisobvara-q-fakturalarda yoki nazorat-kassa texnikasi cheklarida tovarlar (xizmatlar) identifikatsiya kodlari (MXIK)ni noto‘g‘ri aks ettirganlik uchun moliyaviy jarima qo‘llanilmasligi belgilab qo‘yildi.

Albatta, bu kabi o‘zgarishlar tadbirkorlar qo‘shimcha imkoniyatlar yaratadi. Shu o‘rinda tadbirkorlarni har tomonlama qo‘llab-quvvatlash maqsadida “Soliqchi-ko‘makchi” tamoyili asosida Rishton tuman DSI xodimlari tomonidan amalga oshirilayotgan ishlarga to‘xtalib o‘tmoqchiman. Ayni paytda muntazam ravishda tadbirkorlar bilan turli ochiq muloqot va uchrashuvlar tashkil etilmoqda, muammolar o‘rganilib ijobiy hal etish choralari ko‘rilmoqda.

Shuningdek, tadbirkorlik faoliyatini amalga oshirish uchun muhim bo‘lgan qator yo‘nalishlarni belgilab olgan holda amaliy yordamlar ko‘rsatilmoqda. Xususan, 2022 yil yanvar-sentyabr oylarida Rishton tuman DSI tomonidan 1287 ta tadbirkorlik sub‘ektlarini qiynayotgan muammolari o‘rganildi.

Mazkur jarayon davomida ko‘maklashish zarur bo‘lgan 1255 ta tadbirkorlik sub‘ektlariga dastlabki buxgalteriyasini yuritish, qulay soliq rejimini tanlash, soliq imtiyozlari va ularni qo‘llash tartibini tushuntirish, ortiqcha QQS to‘lovlarni qaytarish kabi masalalar yuzasidan amaliy yordamlar ko‘rsatildi. Biz, soliq idoralari xodimlari tadbirkorga maslahatchi, ko‘makchi va yaqin hamkor sifatida faoliyatimizni davom ettiramiz.

Tadbirkorlar o‘zlarini qiynayotgan masalalar yuzasidan 91-286-88-86 (Tadbirkorlikni qo‘llab-quvvatlash sho‘basi) raqami orqali murojaat qilishlari mumkin.

2022-10-05 13:20:32